

# LA MAESTRINA

## I.

Dint' 'o palazzo mio nce sta na scola  
Addò nce vanno tanta piccerelle;  
Vnie nun sapite quanto me cunzola,  
Chillo *ciù-ciù* che fanno comm'aucielle.  
Saglie pò chiano chiano ogni matina  
Na signurina ch'è na simpatia!  
M'hanno ditto ca chella è 'a maestrina;  
Si sulo 'a tengo mente, esco mpazzia!

Priato 'a sto a senti  
Quann'essa ntona l'abbaco  
E tutte li scazzoppole  
Risponneno accussì:

Coro\_Uno via uno: Uno.

Solo\_Maestrì, facite ammore cu nisciuno?

Coro\_Uno via quatte: Quatte.

Solo\_Maestrì, quanno ve veco 'o core sbatte!

## II.

Maverz' 'e diece se ne vene 'o spasso,  
Quann' 'e sculare for' 'o ballaturo  
Esceno a doie a doie, signanno 'o passo,  
E se metteno nfila nfaccia 'o muro.  
Appriesso vene sta sciasciona mia  
Ca, cu na riga mmano cummannanno,  
Pare nu culunnello 'e fantaria,  
E tale e quale a li surdate fanno.

Pò quanno hanno 'a trasì  
Tutte chelli nennelle,  
Sbattenno li manelle,  
Camminanno accussì:

Coro\_Uno, due e tre; uno, due e tre <sup>(battendo le mani a tempo)</sup>

Solo\_Maestrina mia, io penzo sempe a te

Coro\_Uno, due e tre; uno, due e tre <sup>(come sopra)</sup>

Solo\_Maestrina mia, vurria murì cu te!

## III.

Ajere pe tramente essa vasava  
A na sculara...io le facev' a spia...  
E vasanno, vedette, ca guardava  
C' a cod' 'e l' uocchie abbascio a casa mia.  
Io lesto, allora, scappo mmiez 'e scale  
M'afferro 'a chella stessa piccerella  
E tant' 'a vaso ca le faccio male  
Mentre *Essa* se faceva na resella

Doppo, stienno a senti,  
Comme lu sillabario  
Da coppa cumpitavano,  
Io risponnea accussì:

Coro\_ A, e, i, o, u.

Solo\_Maestrina mia, io nun ne pozzo cchiù,

Coro\_ U, o, e, i, a.

Solo\_Maestrina mia, io te vurriavasà!

Albertin

# LA MAESTRINA

Poesia e Musica  
ALBERTIN

*Allegretto*

PIANOFORTE


CANTO

Din - t'ò pa - laz - zo mio nce sta na sco - - la Ad - dò nce van no

tan - ta pic - ce - rel - - le Vuie nun sa - pi - te quanto me cun - zo - la Chi lo ciù

ciù ca fan - no comm'au - ciel - - le Sa - glie pò chiano chia - no ognema - ti - -

na Na si gnuri na ch'è na sim pa ti a M'han no di to ca chella è ma e



stri na Si su lo a ten go men te e sca mpaz zi a! Pria to a sto a sen ti Quan

*cres:*



n'es san to na l'ab ba co E tut te li scaz zop po le Ri spon ne no accos

*rall:*



*Coro (parlato)* *Solo*

si U ne vi a u no: U no Mae stri, fa ci te am

*a tempo* *f*



Coro (parlato)

mo-re cu ni - sciu - - no? U - no vi - a quat - te: Quat - - te Mae

Coro (parlato)

stri quan - no ve ve - co'o co - re sbat - - te! U - no vi - a u - ro

Solo Coro (parlato)

U - - no Mae - stri fa - ci - te am - mo - re cu ni - sciu - - no? U - no vi - a

Solo

quat - te: Quat - - te Mae - stri quan - no ve ve - co'o co - re sbat - - te!